

docriver 文川网
入驻商家 古籍书城
在文川网搜索古籍书城 获取商家电子书

中國方志叢書·華中地方·第五八三號


據

清·汪文炳等修纂
清光緒二十二年刊年

影印

浙江省

富陽縣志



成文出版社有限公司印行



10095862

中國方志叢書·華中地方·第五八三號

據

清·汪文炳等修纂
清光緒二十一年刊年

影印

浙江省

富陽縣志



成文出版社有限公司印行



10095861

中國方志叢書·華中地方·第五八三號


據

清·汪文炳等修纂
清光緒二十一年刊

影印

浙江省

富陽縣志



9/27/08

成文出版社有限公司印行



10095860

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第五八三號

據

清·汪文炳等修纂
清光緒二十一年刊年

影印

浙江省

富陽縣志



127/107

成文出版社有限公司印行



10095859

中國方志叢書·華中地方·第五八三號

據

清·汪文炳等修纂
清光緒三十一年刊年

影印

浙江省

富陽縣志



成文出版社有限公司印行



10095858

中華民國七十二年三月壹一版

富陽縣志

共七冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市 大理街 145 號

新聞局出版登記證：局版台業字第二四三號

疆域

富陽一邑大江劃分南北江北各鄉界縣四曰錢唐
曰餘杭曰臨安曰新城江南各鄉界縣四曰蕭山曰
諸暨曰浦江曰桐廬今於各縣之界別以幹路枝路
而道里程途指掌可數惟與舊志有不符之處或爲
人里鳥里之別茲據浙江輿圖測量推算而舊志仍
沿於後庶設險置防與速郵傳命兩有裨益焉

至錢唐縣界幹路 出東門沿江東行五里六分至春茗
浦又五里四分至白鶴橋又五里八分達算帳嶺

嶺高一丈

二錢唐界統計道里一十六里八分

又枝路 出北門西北行三里七分至涼棚下又二里五分至介福亭又東北行五里八分至高橋鎮又東北行十二里二分達交界嶺錢唐界統計道里二十四里二分

至餘杭縣界幹路 出北門西北行三里七分至涼棚下

又五里二分至上新橋又北行五里六分至下部又西

北行十三里一分至福祿橋又北行四里六分達筱嶺

嶺高十五丈 餘杭界統計道里三十二里二分 按自福祿橋西行三里七分

分又北行二里八分爲硤塢嶺錢塘界自福祿橋東行三里二分又北行三里九分爲硤嶺餘杭界又有駱嶺

在筱嶺之東亦爲餘杭界

又枝路 自上新橋西北行六里六分至泗洲村又七里五分至合溪橋又十四里二分達桐嶺嶺高二十七丈餘杭界統計道里三十七里二分

至臨安縣界幹路 出西門北行三里四分至涼棚下又西北行五里二分至上新橋又十四里一分至合溪橋又西行十六里五分達桃源嶺嶺高四十五丈臨安界統計道里三十四里二分

又枝路 自合溪橋西行五里四分又折而南行六里一分至培箐塢又西南行二里復折而西北行六里六分達青樹嶺臨安界統計道里四十二里八分

至新城縣界幹路 出西門西行三里至太平橋又九里

八分至青雲橋又曲曲西行七里七分至執中亭又西

行五里九分達界牌頭新城界統計道里二十六里四

分按自青雲橋曲曲西北行十一里五分至大墓廟又

曲曲西北行八里六分至楊家廟又西行四里六分
達榻石嶺爲臨安
新城兩縣交界處

又枝路 出西門西南行五里六分至鹿山麓又八里五

分至蔣家村又西行十里至大樹村又八里達柏子嶺

新城界統計道里三十二里一分

至紹興府諸暨縣界幹路 出東門渡江南行三里至大

船埠又東南行十里八分至大源鎮又東南行十一里

六分至新關村又東南行十四里四分至虹赤又南越

普行嶺十六里六分至章村又曲曲東南行十三里八

分至石柱又東南行越諸暨境四里至新橋復入本境

西南行六里六分至紫閣又西南行六里七分達響鐵

嶺嶺高六丈七尺諸暨界統計道里八十七里五分按山虹赤

里四分為大王嶺蕭山界又山虹赤

又枝路 自虹赤南行四里四分至紫佳山又南越普行

嶺五里至宣村又東南行四里九分至錢家橋又折而

西南行二里三分至章村又折而東南行六里八分至

塘頭村又東南行三里一分達雀門嶺嶺高十四丈諸暨界

統計道里六十六里三分

按由錢家橋東行一里為青龍頭蕭山界

至紹興府蕭山縣界幹路

出東門經館驛渡江東南行

五里至下埠頭又東南行五里五分至新橋又東北行

十里九分至里山又七里三分至漁山浦又八里達長

嶺蕭山界統計道里三十六里七分

又枝路

自漁山浦東南行二里五分至漁山街又六里

至萬壽橋又南行八里六分達雞心嶺

嶺高二丈

蕭山界

統計道里四十五里八分

按自萬壽橋東行三里二分為中嶺亦蕭山界

至金華府浦江縣界幹路

出西門西南行十六里一分

至湯家埠渡江南行四里至中埠又南行折而東南行

五里至柏樹鐘又東南行五里四分至清官橋又折而
 西行復西南行八里六分至場口鎮又東南行三里至
 青山渡又南行十里至古城又曲曲東南行十四里八
 分至金剛渡又九里三分至百莊又南行四里達金沙

渡渡闊二十五丈浦江界統計道里八十里二分

又枝路 自金剛渡西南行七里三分至雙坑口又西南

行七里五分達下南嶺嶺高二丈浦江界統計道里八十

一里七分按自雙坑口西南行二十里為黃楊塢桐廬界

至嚴州府桐廬縣界幹路 出西門西南行五里四分至

鹿山麓又十里七分至湯家埠又九里三分至程墳鎮

卷之二 地理 二 疆域

又七里二分至新店舖又十一里五分達後山邊村桐廬界統計道里四十四里出分

又枝路 自程墳舖渡江南行十里至場口鎮又西南行九里四分至上村又四里八分達趙家村桐廬界統計道里五十里五分

又枝路 自場口鎮東南行折而西南行四里四分至橫山嶺又九里一分至上屠山又四里達獅山桐廬界統計道里五十二里九分

按桐廬界路較多自古城西行十里為青草嶺界自雙坑口西北行十四里為姚家嶺亦界自橫槎渡曲曲西北行約十里為大水頂亦界

東北到京師四千三百里

東到杭州府治九十里

東到錢唐縣治同府治

南到諸暨縣治一百六十六里

西到桐廬縣治八十里

北到臨安縣治六十里

東北到餘杭縣治五十五里

西北到新城縣治五十里

東南到蕭山縣治九十三里

西南到浦江縣治一百七十里

與錢唐毗連之界

自江中銅盤沙起至四仙里石檣山止

計長三十六里

與餘杭毗連之界

白石嶺山起至開化里仙童山止

計長一十三里

與臨安毗連之界

自仙童山起至靈源里塌石嶺止

計長二十里

與新城毗連之界

自塌石嶺起至看潮里直隴止

計長四十四里

與桐廬毗連之界

自直隴起至棲鶴里三界尖止

計長五十二里

與浦江毗連之界

自三界尖起至長春里響鐵嶺止

計長三十七里

與諸暨毗連之界

自響鐵嶺起至大源里馬陽口止

計長二十四里

與蕭山毗連之界

自馬陽口起至八角里銅盤沙止

計長五十里

縣境南北相距計長一百二十里東西相距計廣八十里

按此從人里推算若據鳥里南北表僅八十三里東西廣僅五十五里

縣境周圍計二百七十六里

docsriver 文川网
入驻商家 古籍书城

在文川网搜索古籍书城 获取更多电子书

縣境面積計三千三百七十五方里

此從烏里推算

錢令舊志

東至錢塘縣湖唐山石碑界二十五里

西至新城縣分派峴界三十里 南至紹興府諸暨縣

嶺峯界八十五里 北至餘杭縣笩嶺界三十里 東

南至紹興府蕭山縣古石碑界四十五里 西南至金

華府浦江縣金沙嶺界一百四十里 東北至錢唐縣

分金嶺界五十里 西北至臨安縣芝羅嶺界四十五

里 又東西相距五十五里南北相距一百一十五里

三國志黃武時丹陽會稽吳興山寇攻沒郡縣乃分三郡

要害地置東安郡於富春以抗扼之

續漢書郡國志吳郡十三城條下梁劉昭注曰史記秦始皇幸會稽至浙江水波惡乃西百二十里從狹中度徐廣曰餘杭也臣昭按始皇所過乃在錢唐富春豈近餘杭界乎

呂東萊重修釣臺記由東陽江而下逕新定郡五十里得嚴陵瀨蓋東海嚴先生遯世不屬耕釣於富春山後人因名其地孫吳析富春爲桐廬是瀨亦屬焉

葉廣居城隍廟記濤江抗其陽羣山走其陰雉堞周宏淵
渟瀦洌

張居傑城隍廟記形勝雄偉風氣完厚長江縈帶乎南羣

山旋繞乎北高城深隍山水自然之險

耿伯宣圖說遠引甌閩近控吳越

陳觀吳公堤記居杭上游背山而江下通錢唐潮汐往來
上接衢婺睦歙諸水會流每天風撼濤奔湧激射號爲
險絕

韓彥端記東則有赤松輕舉之鄉西則有孫鍾結廬之所
南則有嚴陵躬耕之地北則有雙成飛昇之蹟

趙與記富春以西重岡峻嶺界新安而止

陳震大嶺石闕記由東門鋪抵赤松傍瞰大江巖嶻湍險
按富陽爲省會咽喉境壤相接四府八縣內惟桐廬

錢唐二境有江面沙洲地勢平行之處其餘六縣皆從重峯疊嶂畫以鴻溝雖鳥道蠶叢無路不通而依山設守縱較平地爲易形勢利便號爲重險此般仲文所致嘆也綜論一邑司險置防難易各得其半蓋守禦最難爲桐廬毗連之境因桐江踞富陽上游而江中之桐洲兩縣平分江北後山邊村與江南趙家村一帶又地勢平曠無險可扼況屠山黃山青草嶺姚家塢黃楊塢等處更防不勝防耶次難莫如錢唐錢唐雖屬下游而江面沙洲與桐廬等算帳交界二嶺則形同邱垤一蹶可幾又次難爲蕭山蕭山境當

富陽東南地勢散漫犬牙相錯而長嶺至義橋更一水可達昔錢武肅禦董昌設守大源之王嶺何舍近而求遠耶又次難爲新城新城雖爲山界然與富陽接壤有四十餘里之長而界牌嶺子二嶺爲驛傳孔道要而不盡險也咸豐十年秋粵賊破富陽由界牌頭入境民團屢次挫敗雖守之不得其法地亦未盡利耳至守禦最易莫如浦江邊界浦陽界在壺源萬山深處相通之路又祇下南嶺金沙渡金沙渡面闊二十四丈雖溪流無異大江下南嶺則高峯插天石巖嶄巖攷壺源源長百六十里屬浦陽治者尙有八

十餘里是賊欲渡浦陽之壺源且不易易況欲入富陽境耶次易莫如諸暨諸暨接壤僅章村紫閭二處紫閭四山如屏惟新橋一路可以出入所謂一夫當關萬夫莫敵章村通諸暨亦祇雀門一嶺皆非車騎可以登陟昔粵匪之亂富境蹂躪殆遍惟壺源紫閭兩地賊不能破此明徵也又次爲餘杭餘杭隣富陽僅山界十三里而桐嶺筱嶺均高聳雲霄險而且固又次爲臨安臨安相通枝路雖多然皆羊腸鳥道一守可以抵百昔他身寇以數百山民斬木守桃源嶺青樹嶺各處賊有數萬不能飛度此地勢使然也猶

憶咸豐壬申秋九月粵賊先由桐廬青阜嶺入境過
安和里陟梧嶺蹂躪南鄉爾時四境完善節節防堵
賊於僻路斫枚蹈瑕直進足見桐境守禦之難又憶
同治元年金華敗匪下竄山諸暨越雀門嶺至章村
又越石板嶺至剡浦又越稠雙溪等嶺至大源各鄉
瓜蔓草薙噍類無遺蓋因寇亂頻年鄉民四散雖有
天險無人置戍然則地利可恃而不足恃思患預防
存乎其人矣

卷之五十五

一

二

城池

富陽城自累朝以來改築不止一處今城爲明嘉靖間縣令桂軹所築也 國朝康熙乾隆二朝兩次重修乾隆以後歲久不治南城牆腳有坍入江中者粵賊踞富陽於西南門一帶搬運磚礫加築土壘以資堵禦今惟僞壘尙存而城上雉堞已無復觀及時修築猶可措手再閱年所恐更難爲力矣至各志所載古城遺址皆不可重尋搜羅舊聞俾閱者考古周知以廣觀記云爾

漢古城

一統志

富陽故城在今縣治西北隅漢置

東安郡城

三國吳志東安郡城在縣北十八里吳黃武

五年置周七百六十步郡守全琮築七年復廢

唐古城

浙江通志引名勝志富陽縣古城唐咸通十年

移令趙調築去古城二百七十步城周六百步高一丈

城隍一丈五尺

五代古城

咸清臨安志五代時城在縣東南吳越錢氏

以地逼江乃壘磚磔爲之城周十二里高二丈一尺闊

二丈有屋七百一十九間營樓一十二座舖舍一百一

十九所

湖嶽古城

杭州府志湖嶽山有石城侯景之亂里人陸

姓者率鄉隣固保之全活甚眾

榮國寺古城

宣德舊志

古城在榮國寺西北隅卽今永

甯寺是也元至正十六年行省參政楊完者重築周三里元末燬於兵

今城

錢令舊志

今城在古城東南廣六里延袤一千丈

有奇厚二尋高一丈四尺內外俱甃以石雉堞一千二百堵沿城內外俱有馬路城門瞰樓四各三間爲門者四東曰昇平南曰萃和西曰康阜北曰達順又闢三小門以便出入俱汲水井開水門以疏奔湍城爲故明嘉靖三十五年知縣桂軌所築也東跨觀山西臨菟浦南

俯大江北帶後河隆慶五年分守參政李淑於儒學之
前闢城門曰文明門上有石亭國朝康熙十年知縣
牛奠重加修葺計城周圍一千四百四十六弓內東門
至文明門五十六弓城樓五弓文明門至南門七十九
弓城樓七弓南門至西門三百四十一弓城樓七弓西
門至北門三百一十三弓城樓七弓北門至東門六百
四十二弓城樓七弓牛奠自爲之記尋復頽圯二十年
春知縣錢晉錫捐俸築東門城築南門城新作南門大
觀樓亦自爲記載藝文志云牛奠自爲之記尋復頽
按富陽今城東西長南北隘茲據測量推算自東至

docsriver 文川网
入驻商家 古籍书城

在文川网搜索古籍书城 获取更多电子书

西計長一里七分零自南至北計長六分零周圍四里二分零面積六里五分零方里

縣濠

錢令舊志縣濠東至觀山西至菟浦東南恃長江

以爲險斗門二宋宣和四年縣令吳紉開今漚寨尙存縣後一帶浙江通志雍正七年總督臣李衛委富陽知縣朱永齡開濬城內并北門外一帶河道城外西北建壩閘一座以蓄潮水

吳公堤

宣德舊志名春江堤在縣南臨江自菟浦至觀

山三百餘丈皆壘以石武后萬歲登封六年縣令李瀆修築以捍水患貞元七年令鄭早又增修之歲久堤圯

明正統四年知縣吳堂重築民獲安居因感公惠遂以

名隄 ○陳觀吳公堤記吳公堤古春江是也不言春江

而富春居杭上游背山面江下通錢塘潮汐往來上接

衛自觀山起至莫浦橋止東西三百餘丈適當邑城之

南其捍潮禦浪惟築堤為可備前代興廢未暇究論自

唐萬歲登封六年縣令李滌所築者去舊城一百步許

迄今數百餘年而雨洗風淘堤因以壞漸逼城居為患

不小民日以憂前為縣者多後其事宣德乙卯侯始來

治茲邑撫字之暇顧茲頽地慨然興懷因與僚佐議政

治所先莫此為最當亟修舉乃具詞上聞得允所言會

歲歉未邊也正統四年秋穀既登方將鳩工督匠值所

司別築錢塘江岸微役徒伐鉅石動以千計幾寢是事

獨富春以侯請得免遂專力修築民大歡悅經始於是

年十月八日仍率父老遍歷江濇驗里分肥瘠限以丈

尺多寡使得人平力均於是夫匠雲集椿石山積復親

授方畧定立三級下承以椿上壘以石布置得宜事易

工省不再閱月厥功告成上壓下固儼若天造竣事之